

E X E M P L O S

Con motivo do homenaxe que en Ourense se ofrecéu á memoria da egraxia poetisa galega Filomena Dato Muruáis, as mulleres ourensanas fixeron orxir a súa voz amiga, chea de fonda cordialidade, nun manifesto, que publicamos a continuación, dirixido ás mulleres da nosa Terra, chamándoas a todas para procurar a unión e concordia de todol-os fillos de Galicia, non para unha laboura negativa e destructora, senón para unha obra de constituición e vida.

É por moitos lados exemplar iste documento precioso das mulleres de Ourense, chamando á cordialidade de todos, cando todos andan divididos; cheo de fervores patrióticos, cando son tantos os desleigados.

Resulta exemplar ademais por vir escrito en galego. Estamos hoxe vivindo en moitos pobos e vilas en que o noso idioma sigue sendo aínda para as señorilas da boa sociedade un expoñente de inferioridade manifesta. De cote estamos falando con rapazas galegas que se atreven a mintir que non saben falar o galego por non atreverse a confesar o contrario. Isto é moi lamentable. É un estado de concencia mesquiño e torpe, digno de ser moi deplorado. Por iso mituca en millor ocasión que agora puido chegar ise manifesto no que un grupo de mulleres galegas falan en galego a toda Galicia, «chamando ao corazón de todos, pol-a lembranza dos nosos antepasados e pol-o porvir dos nosos fillos».

Confiamos en que iste será un exemplo para as mulleres galegas de todas as bandas, que, inda que hoxe as faga pór coloradas íntimamente, sabrán recibir coa súa cordialidade con que foi dilado, non tardando en seguílo e superalo.

Será un éxito que terían xustamente merecido as mulleres ourensanas.

N'iste momento en que Galiza háchase máis necesitada que nunca do agarimo e do esforzo de todol-os seus fillos, pra defensa dos seus dereitos descoñecidos e feridos de toda sorte, coidamos que é cando a muller galega, chamada á vida pública por imperativos dos tempos que corren, e por a natureza ha ser no lugar a conservadora das tradicións dos nosos maiores e a educadora dos galegos de mañán, debe coller decididamente o posto que lle corresponde.

Enrolandonos baixo da bandeira de Galiza, pra defendermos o que nos é máis achegado e máis querido, imos aportar a nosa vontade e noso entusiasmo á obra dos que queren enguer a Patria galega á outura e dimidade de que é mereceda. Non pra insturarnos na política partidista nen con propósitos de escusividade e de combate, se non, co corazón aberto e limpa intención, chamar á concordia e a unidade a todol-os fillos de Galiza pra que, esquecendo por unha vez os

motivos que os dividan veñan colaborar na obra común, pol-a diuidade, pol-a prosperidade e pol-o bon goberno da nosa Terra. Porque coma mulleres e como galegas, máis que o poder importanos o espírito e máis que a forza a boa vontade.

Coma mulleres e como galegas, a nosa misión ten que ser de paz e de afirmanza. En ben da nosa Terra, chamamos á concordia e á unión a todol-os fillos de Galiza, pra unha obra de construción e de vida, non pra unha laboura negativa e destructora.

A todol-os fillos de Galiza, máis especialmente ás mulleres, á estas mulleres galegas de cuia abnegación, de cuio bon senso, de cuia xenerosidade tanto debemos fiar.

Chamamos ao voso curazón de fillas e de nais; pol-a lembranza dos antergos e pol-o porvir dos nosos fillos; pol-o noso fogar, pol-a nosa tradición, pol-a nosa cultura, pol-a nosa fala, pol-a nosa prosperidade colectiva, pol-a limpeza política, pol-a paz social, vinde á nós.

Pra todas, o noso saúdo cordial.

Ourense, 25 Sant-Iago 1933.

Nosofina Bustamante de O. Pedrayo, Emilia Blanco de Mojardín, Milagros Rodríguez de Cuevillas, Celia Bouzas de Peña, Xoana Somoza de G. Salgado, Isabel Algarra de Ramón, María del Socorro R. de Guede, María do Carmo Fernández de Risco, Mercedes Docampo, Felisa María Moráis, María Teresa Cortón, Carmela Salgado, Catalina López Cid, Mercedes López Cid, Manuela Ventura, Rosa Docampo, Carmen G. Rodríguez, Pura González, Mariña Peña, Esther Peña, Maruxa G. Quiroga, Victoria González Quiroga, Maruxa G. Gándara.

Nota.—A correspondencia diríxase á Santo Domingo (Partido Galeguista), á Comisión de propaganda, integrada por Doña Celia Bonza Peña, Doña Milagros Rodríguez de Cuevillas, Srtas. Mercedes Docampo e Carmela Salgado.